



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vita Ioannis Berchmanni Flandro-Belgæ Religiosi  
Societatis Iesv**

**Cepari, Virgilio**

**Antverpiæ, 1630**

In silentio constans.

[urn:nbn:de:hbz:466:1-46083](#)

*terrogatus fuero, illâ istâve ratione respondebo.*  
 Eâ re semper loquebatur agebatque præco-  
 gitatò, vitabatque omnem culpam. Rogatus  
 igitur aliquando à commilitone , ecquid fa-  
 ceret, quò numquam verbis peccaret ; *Num-*  
*quam, aiebat, nisi præfinitò verbum facio, ac*  
*Deo priùs commendatum, ne quod illi ingra-*  
*tum proferam.*

*Custodia  
linguae.*

Tertium, quo plurimùm proficiebat, fuit  
 linguæ (de quâ iam dici cœptum ) custodia ;  
 cuius ferè vitio hominès vulgò prolabantur;  
 vt perfectus meritò æstimetur , qui sermone  
 non peccat. Ioannes igitur nihilo in vitâ con-  
 stantior, quàm verbis cautior, tam erat in lo-  
 quendo circumspectus , vt nullum vñquam  
 eius ab ore verbum sit exceptum , quod non  
 aut necessariò, aut vtiliter, aut honestè fuerit  
 pronuntiatum. Atque vt diuersa sunt Socie-  
 tatis nostræ , quæ sermonem spectant , præ-  
 cepta, Ioannes , nullo prætermisso , obserua-  
 bat vñuersa.

*Silendi con-*  
*stantia.*

Iuuenis erat verborum parcus, eaqué, qui-  
 bus parcè vtebatur , seriò erant præcogitata,  
 priusq; ad limam vocata, quàm ad linguam.  
 Numquam, ne leuiter, violasse silentij legem  
 visus ; neque in Collegio eâ legis indulgentiâ  
 usus, quâ paucis obuium compellare fas est.  
 atq; hoc nomine mirū videri possit (cùm ad-  
 èo effet abstinenſ sermonis, & in ſe abductus)

tam

tam citò tamquæ accurate didicisse Italicam linguam, vt (quò pertingunt pauci) proximè quoque accederet ad rectam eius elocutionem, omnesque pronuntiandi sonos. Eo tempore, quod à prandio & cœnâ animorum remissioni concessum (nos recreationis horam appellamus) semper, vt mos est, Italicè, aliàs Latinè, ad Regulæ præscriptum, loquebatur; retuleratque his verbis in schedam: *Cum Preceptore utar Latino semper sermone, etiam si Italico ipse me compellaret.*

Nonnemo condiscipulorum, pro suâ in <sup>Nicolaus</sup>  
Ioannem insigni opinione, facultatem à Ma- <sup>Rad.</sup>  
ioribus obtinuerat, cum eo res omnes consiliaque sua conferendi. Hic quoniam non ra-  
rò, cùm silendum esset, ad eius cubiculum ventitaret, breuissimè, si fieri posset, ab eo di-  
mittebatur; si longa res foret, differebatur in horam colloquio designatam. Romam in Collegium venerat Pater quidam, qui Ioan-  
nem, nuper Laureti notum, de more com-  
plexus, diutiùs morabatur sermone; at ille,  
*Non licet mihi, inquit, Pater, hoc quo silendum est*  
*tempore sermonem longius extrahere: at si gra-*  
*tum fuerit, ibo petiturus loquendi copiam, quā*  
*factā mox redibo.* Abiit, mox rediit, Patremque egregio obseruantiae exemplo recreauit iuxta atque instruxit. Collegio egressus, num-  
quam, vbi frequentia erat domorum, loque-  
batur;

G

batur; locis verò infrequentibus, si forte de  
viā quisquam occurrisset, cœptum etiam ser-  
monem abrumpebat, dum obuius transi-  
*Colloquia*  
*eius inter*  
*recreatio-*  
*nem sancta.* set. quod sæpè ei vsu venit. Colloquij con-  
cessi tempore (ad quod vnā cum ceteris sem-  
per accedebat) de Deo, de rebus religiosis ac  
sanctis, nec alijs, verba faciebat: & tanto qui-  
dem sensu, vt hæc ei recreatio, quâ maximâ  
frui posset, facilè esse videretur. Contigit eum  
aliquando inter colloquendum dicere, va-  
letudinem suam eà molestiâ tentari affligi-  
que posse, si non reperisset cum quo de Deo  
instituisset sermonem. Quantâ autem & vi-  
& gratiâ de diuinis rebus loqueretur, vel eo  
colligi potest, quod grauissimi Patres affir-  
ment, sensisse, verbis se Ioannis aut ad poenitentiam commoueri, aut ad amorem Dei  
inflammari, amplius atque ipsâ oratione,  
alijsque quæ obibant exercitijs religiosis. Ha-  
bebat nimirum singularem cùm in dicendo  
venustatem, tum in persuadendo vim; vtque  
erat vrbanissimâ suâ affabilitate omnibus  
charus, nemo non ei illud deferebat, vt quâ  
ferè collocutione eum delectari scirent, eò  
sese vltrò inclinarent. Ambitiosius namque  
eius necessitudo à multis expetebatur, quâm  
ipse cuiusquam congressum colloquiumque  
quæreret, qui omnium promiscue Societati  
sese inferebat. Si illis forte, qui aut inferiores  
erant,